



3. januar 2012

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut Apeqqut:

1. Ikummatissap imerpalasup assigiimmik akeqartussaaitaanerat aappaagu atorunnaarpat illoqarfinni nunaqarfinnilu sumi maannakkorniit akisunerusumik akiliisoqartalernissaa naatsorsuutigineqarpa?
2. Assingiimmik akeqartitsinerup atorunnaarsinneqarnerani suut pitsaaqutigalugillu ajoqutigissavai?
3. Illoqarfiit nunaqarfiillu sorliit ikummatissanik imerpalasunik tuniniaalluni unammillerfiuppat?
4. Illoqarfiit nunaqarfiillu imerpalasunik tuniniaalluni unammillerfiunngitsut naatsorsuutigineqarpa akinik qaffaaffiussasut?
5. Ikummatissanik imerpalasunik 2013-imiit assigiimmik akeqartussaaitaanerup atorunnaarsinneqarnerani suut kingunerisinnaanera misissorneqarsimappat?
(Inatsisartuni ilaasorta, Kristian Jeremiassen Siumut)

Tungavilersuut

Ikummatissat imerpalasut assigiimmik akeqartussaananerata aappaagu 2013-imi januaarip aallaqqataannit Polaroilimit taamaatinniarneqarnera SIK-p annilaarutigaa tusagassiuutigut tusarnaarpara soqutigartinillugu, itinerusumik paasisaqarusullunga Naalakkersuisunut tallimanik apeqquteqarpunga.

Apeqqut siulleg: Ikummatissap imerpalasup assigiimmik akeqartussaaitaanerat aappaagu atorunnaarpat illoqarfinni nunaqarfinnilu sumi maannakkorniit akisunerusumik akiliisoqartalernissaa naatsorsuutigineqarpa?

Apeqqutip aappaat: Assingiimmik akeqartitsinerup atorunnaarsinneqarnerani suut pitsaaqutigalugillu ajoqutigissavai?

Apeqqutip pingajuat: Illoqarfiit nunaqarfiillu sorliit ikummatissanik imerpalasunik tuniniaalluni unammillerfiuppat? Soorlu Qasigianguani tuniniaasoq ataasiinnaavoq taamaalilluni Qasigianguit unammillerfiunani, 2013-imiillu "maksimalpris"-inik taaneqartumik atuisoqalernip akit qaffasinnerpaajunissaat ilimanarluni, unammillerfiunngimmat ikummatissanik tuniniaaneq Qasigianguani, taamaalilluni Qasigianguani innuttaasut akisunerusumik akiliisalissallutik.

Apeqqutip sisamaat: Illoqarfiit nunaqarfiillu imerpalasunik tuniniaalluni unammillerfiunngitsut naatsorsuutigineqarpa akinik qaffaaffiussasut?

Apeqqutip tallimaat: Ikummatissanik imerpalasunik 2013-imiit assigiimmik akeqartussaaitaanerup atorunnaarsinneqarnerani suut kingunerisinnaanera misissorneqarsimappat?

Kissaatigaara apeqquteqaatikka ullut suliffiusut qulit iluanni akineqareersimanissaat.